



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422
fax. +387 33 726 423
e - mail: info@voda.ba

Broj: **UP-1/21-3-40-006-4/25**

Datum: **13.01.2025. godine**

„Agencija za vodno područje rijeke Save“ Sarajevo, rješavajući po zahtjevu Općine Hadžići za zahvat vode iz bunara BH 1 u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području općine Hadžići, na osnovu člana 139. stav (1) tačka 1. Zakona o vodama („Službene novine Federacije BiH“, broj 70/06), člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu Općini Hadžići za zahvat vode iz bunara BH 1 u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području općine Hadžići, pri čemu optimalna količina vode koja će se moći zahvatiti iznosi $Q_{opt} = 40 \text{ l/s}$.
2. Vodna dozvola se daje na osnovu dostavljene dokumentacije, izvršenog uviđaja na objektu, utvrđenog činjeničnog stanja i uz slijedeće uslove:
 - 2.1. Da korisnik predmetnog vodozahvatnog objekta isti održava u funkcionalnom stanju i koristi u skladu sa njegovom prirodom i namjenom, te u skladu sa uslovima iz ove vodne dozvole.
 - 2.2. Da korisnik vodozahvatnog objekta u cilju kontrole, evidencije i plaćanja količina zahvaćene vode vrši mjerenje iste, a što se u ovom trenutku obezbjeđuje putem vodomjera, serijski broj: S/N A19034018, tip WATERFLUX 3050, proizvođača KROHNE. Evidenciju o mjerenju zahvaćene količine vode vršiti u skladu sa Pravilnikom o sadržaju i načinu vođenja evidencije i dostavljanje podataka o količinama zahvaćene vode („Službene novine FBiH“ br. 83/08).
 - 2.3. Da obezbijedi tehničku ispravnost ugrađenog mjernog uređaja za evidentiranje zahvaćene količine vode, opreme na objektima transportnog sistema, odnosno da redovno vrši baždarenje mjerača protoka u skladu sa propisima o mjernim uređajima.
 - 2.4. Da se uredno vodi dnevnik rada u koji će se unositi podaci o postupku tretmana vode i potrošnji svih hemikalija.
 - 2.5. Da se vrši stalna dezinfekcija vode hloriranjem kao i kontrola rezidualnog hlora u distributivnoj mreži u skladu sa Pravilnikom o zdravstvenoj ispravnosti vode za piće („Službeni glasnik BiH“, 40/10, 43/10, 30/12 i 62/17).
 - 2.6. Korisnik je dužan vršiti redovnu kontrolu uskladištenih hemikalija i obezbijediti takve uslove koji će spriječiti zagađenje površinskih i podzemnih voda uskladištenim materijama, odnosno, obezbijediti moguće isticanje hlora i drugih komponenti iz objekata i iz posuda, odgovarajućim tankvanama. Takođe je dužan obezbijediti adekvatan apsorber za prikupljanje hemikalija u slučaju incidentnog izlivanja.
 - 2.7. Da ukoliko se redovnim ili vanrednim analizama kvaliteta vode utvrdi da ista ne zadovoljava uslove vode za piće propisane važećim Pravilnikom o zdravstvenoj ispravnosti vode za piće, vodovodni sistem isključi iz upotrebe, odnosno da se blagovremeno i na adekvatan način obavijeste krajnji potrošači da voda nije za piće.
 - 2.8. Da kontrolu ispitivanja kvaliteta vode za potrebe vodosnabdijevanja vodom za piće stanovništva mogu vršiti samo ovlaštene laboratorije, u skladu sa članom 48. stav 3. Zakona o vodama.
 - 2.9. Da se stalno sprovode zaštitne mjere za izvorišta po Odluci o zonama sanitarne zaštite i zaštitnim mjerama za izvorište bunara BH 1, broj:01-02-6858/2023 od 13.07.2023. godine

- koja je donesena od strane Općinskog vijeća općine Hadžići, objavljena u „Službenim novinama Kantona Sarajevo“, broj: 33/23 od 27.07.2023. godine.
- 2.10. Da se uradi opći akt o održavanju, korištenju i osmatranju vodnog objekta i postupanju u slučaju kvara ili havarije na objektu u skladu sa činjeničnim stanjem na terenu i zahtjevima Pravilnika o minimumu sadržaja općeg akta o održavanju, korištenju, promatranju vodoprivrednih objekata („Sl. novine Federacije BiH“ broj: 97/19).
- 2.11. U cilju najstrožije kontrole prostora na kojem se nalazi vodozahvatni objekat sa pratećom opremom potrebno je na odgovarajući način obilježiti upozorenjem o zabrani neovlaštenog pristupa. Ogradu i ograđeni prostor oko izvorišta potrebno je održavati što znači da je ovaj prostor potrebno kositi, uklanjati samoniklo šiblje i grmlje i isti obezbijediti i drugim mjerama fizičke zaštite i osiguranja, a što prvenstveno uključuje službu fizičkog obezbjeđenja na izvorištu (povremeni obilazak ili stalna posada), te alarm i druge mjere zaštite, ukoliko se to ocijeni potrebnim.
3. Korisnik vodozahvatnog objekta treba da u cilju kontrole, evidencije i plaćanja količina zahvaćene vode vrši kontinuirano mjerenje količina zahvaćene vode i podatke o tim mjeranjima unosi u Knjigu evidencije o količinama zahvaćene vode. Korisnik objekata je obavezan vršiti plaćanje posebne vodne naknade u skladu sa članom 170 stav 1. tačka 1. alineja 1. Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).
4. Prava stečena po ovoj vodnoj dozvoli ne mogu se prenositi na treća lica, a ista se mogu izmijeniti u zakonom propisanim slučajevima.
5. Ukoliko prilikom upotrebe vodozahvatnog objekta koji je obuhvaćen ovom vodnom dozvolom dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. U ovoj upravnoj stvari plaćene su sve upravne pristojbe.
7. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja od pet (5) godina od pravosnažnosti ovog rješenja.
8. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
9. Za izgradnju novog ili rekonstrukciju ili uklanjanje postojećih objekata te promjenu uslova zahvatanja vode iz bunara BH 1, ako bi se time uticalo na promjenu kvaliteta i kvantiteta voda, odnosno ako se time mogu trajno, povremeno ili privremeno prouzrokovati promjene u režimu voda, korisnik predmetnih objekata je dužan pribaviti vodne akte (prethodnu vodnu saglasnost, vodnu saglasnost i vodnu dozvolu).
10. Ovo Rješenje o vodnoj dozvoli može se izmijeniti ukoliko nastupe okolnosti iz člana 130. stav (1) Zakona o vodama.

Obrazloženje

Općina Hadžići obratila se ovoj Agenciji sa zahtjevom za izdavanje Rješenja o vodnoj dozvoli za zahvat vode iz bunara BH 1 u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, pri čemu optimalna količina vode koja će se moći zahvatiti iznosi $Q_{opt} = 40 \text{ l/s}$.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Punomoć podnosioca zahtjeva, broj:08-19-4-14375/2024 od 04.12.2024. godine – ovjerena kopija,
- Punomoć podnosioca zahtjeva, broj:6113-II-03/24 od 06.12.2024. godine - ovjerena kopija,
- Uvjerenje o registraciji poreznog obveznika od 12.07.2021. godine izdato od strane Kantonalnog poreznog ureda Sarajevo – ovjerena kopija,
- Zemljišnoknjižni izvadak, Katastarska općina:Hadžići, broj:140745/24 Zemljišnoknjižni uložak broj:166 izdat od strane Općinskog suda u Sarajevu - ovjerena kopija,
- Rješenje, Up/I broj:06-14-2-242/24 od 14.10.2024. godine izdato od strane Federalnog ministarstva energije, rudarstva i industrije - ovjerena kopija,
- Rješenje o vodnoj dozvoli, broj:UP-I/25-3-40-624-4/18 od 01.02.2019. godine izdato od strane Agencije za vodno područje rijeke Save, Sarajevo – kopija,

- Odluka o zonama sanitarne zaštite i zaštitnim mjerama za izvorište bunara BH 1, broj:01-02-6858/2023 od 13.07.2023. godine donesena od strane Općinskog vijeća općine Hadžići – kopija,
 - Kopija katastrakog plana, Ur. broj:05-26-2-15085/2024-3 od 18.12.2024. godine izdata od strane Službe za imovinsko-pravne poslove, geodetske poslove i katastar nekretnina općine Hadžići – ovjerena kopija,
 - Rješenje, broj:07-19-2-1903/2021 od 07.06.2022. godine izdato od strane Službe za prostorno uređenje, urbanizam i građenje općine Hadžići - ovjerena kopija,
 - Statut Općine Hadžići objavljen u Službenim novinama Kantona Sarajevo, broj:15 od 12.maja 2009. godine – kopija,
 - Dokaz o uplaćenju federalnoj upravnoj pristojbi na zahtjev,
 - Ugovor potpisan sa J.U. Zavod za javno zdravstvo Kantona Sarajevo, broj:4577-II-03-2/23 od 16.10.2023. godine – kopija,
 - Odluka o zonama sanitarne zaštite i zaštitnim mjerama za izvorište bunara BH 1 objavljena u Sl. novinama Kantona Sarajevo, broj 32/2023 – kopija,
 - Izveštaji o fizičko-hemijskom i mikrobiološkom ispitivanju vode broj:19823/24, 17996/24, 16457/24, 9687/24, 4637/24, 8093/24, 1084/24 urađeni od strane J.U. Zavod za javno zdravstvo Kantona Sarajevo – kopije,
 - Noveliranje i dopuna Elaborata zaštite izvorišta bunara BH 1, Općina Hadžići urađen od strane Zavod za vodoprivredu d.d. Sarajevo, april 2021. godine, broj:03-21-18-3/21- digitalni oblik.
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22), izvršen je uviđaj na terenu i tom prilikom sačinjen Zapisnik broj:UP-1/21-3-40-006-3/25 od 10.01.2025. godine.
- Na osnovu dostavljene dokumentacije, izvršenog uviđaja na licu mjesta utvrđeno je slijedeće:
- Izvorište bunara BH1 formirano je na lijevoj obali rijeke Zujevine. Vodonosnik je intergranularne poroznosti, predstavljen aluvijalnim sedimentima, a u podini su donjotrijaski sedimenti predstavljeni pješčarima, glincima i laporcima.
 - Vodonosnik se u najvećoj mjeri prihranjuje infiltracijom vode iz rijeke Zujevine i infiltracijom atmosferskih padavina. Uzrok tome su geomorfološke karakteristike korita r. Zujevine koje je usječeno u vlastitom aluviju pri čemu je usljed povlačenja rijeke u sadašnje korito formirana najniža riječna terasa. Korito je relativno plitko (1,5 - 3,0 m) čime se omogućuje infiltracija vode iz vodotoka u aluvijalne naslage. U šematizaciji hidrogeoloških odnosa može se pouzdano zaključiti da rijeka "hrani" vodonosnik što je veoma povoljno sa aspekta obnavljanja rezervi podzemnih voda.
 - Bunar nije u funkciji tj. moguća zahvaćena količina vode od cca $Q=40$ l/s će se putem tlačnog cjevovoda promjera $\varnothing$ 225 mm polietilenskim cijevima 16 bara pumpati u rezervoar Dupovci zapremine $V=400$ m³. Voda iz bunara BH1 je namijenjena za snabdijevanje urbane zona Hadžića.
 - Ugrađen je elektromagnetni mjerac protoka prečnika 200mm, serijski broj:S/N A19034018, tip WATERFLUX 3050, proizvođača KROHNE.
 - U bunar je instalisana potopna pumpa snage 55 KW proizvođača Lowara. Za zaštitu pumpe od rada na suho ugrađena je odgovarajuća mjerna sonda nivometar potopljena u bunar i oprema frekventnog upuštača pumpne stanice.
 - Prva zona izvorišta bunara je propisno ograđena pletenom mrežom visine 2 m sa tablom o zabrani pristupa.
 - Na osnovu rezultata kompletnih analiza kvaliteta vode utvrđeno je da voda iz bunara BH1 zadovoljava vrijednosti propisne Pravilnikom o zdravstvenoj ispravnosti vode za piće „Sl. glasnik BiH“ broj: 40/10, 43/10, 30/72 i 62/17.
 - Planirano je da se hlorinacija vode vrši u objektu pumpne stanice bunarskog izvorišta i isti se skladišti u izgrađenom namjenskom objektu JKP „Komunalac“ d.o.o. Hadžići, po potrebi se doprema u namjenske PVC posude.

- Na samom vodocrpilištu, vodozahvatnom objektu-bunaru BH-1 u prethodnom periodu (od izdavanja Rješenja o vodnoj dozvoli) nisu vršeni građevinski radovi (rekonstrukcije, revitalizacija vodozahvatnog objekta i sl).

Na osnovu provedenog postupka, a prema članu 107. stav 1. i 2. Zakona o vodama, u svrhu ostvarivanja prava na vodu drugim korisnicima kao i održivog korištenja voda, korisniku objekta Općini Hadžići ovom su vodnom dozvolom, u tački 2. dispozitiva rješenja, propisani uslovi za korištenje istih. Podnosilac zahtjeva, kao korisnik objekata obavezan je pridržavati se navedenih uslova, u skladu sa članovima 48., 64., 66. i 116. Zakona o vodama i članovima 13. i 14. Pravilnika o sadržaju, obliku i uvjetima i načinu izdavanja i čuvanja vodnih akata. Konstatuje se da je podnosilac zahtjeva Općina Hadžići ispunila minimum uslova za izdavanje vodne dozvole za zahvat vode iz vodozahvatnog objekta - bunara BH 1 u svrhu obezbjeđenja potrebnih količina vode za piće stanovništva i privrede Općine Hadžići koji se vodom snabdijeva putem javnog vodovodnog sistema, te je riješeno kao u dispozitivu ovog rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

Uputa o pravnom lijeku

Protiv ovog rješenja se može uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- Općina Hadžići
Hadželi 114, 71240 Hadžići,
- ⊙ AVP Sava, ISV, Vodna knjiga,
- Sektor 50,
- Sektor 40, arhiva,
- Oglasna ploča